

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 15 del 05/01/2024

Traduzione in ladino

M.E.T.A. – Mobilità Europeèna, Tirocinies e Aprendiment: percorsc de tirocinie a la foresta per studenc e diplomé

[Ladino] Miorèr l passaje da la scola al lurier col tor consaputa e miorèr la competenzes personèles, linguistiches e ence profpcionèles, chest en curt l é l fin del projet M.E.T.A., acronim de Mobilità Europeèna, Tirocinies e Aprendiment.

Te la sentèda de en vender ai 15 de dezember la Jonta provinzièla l'à aproà l avis de selezion per l projet per 90 beneficières de etres tenc percorsc de tirocinie a la foresta, che vegnarà metù a jir via per l trat de temp istà-uton 2024.

“Renforzèr sia competenzes profpcionèles e linguistiches tras na esperienza de lurier de cater o seidesc setemènes te aziendes e organisazions forestes - l à dit l assessor al svilup economich, lurier, università e enrescida Achille Spinelli – dèsc l met de renforzèr sie curriculum personèl, col miorèr amò de più la competenzes che l é stat arjont endèna l percors de scola. Se trata de na gran oportunità che ge vegn sport a nesc joegn”.

La domanes per tor pèrt les cogn vegnir portèdes dant da les **9.00** da doman de en lunesc ai **8 de jané del 2024** a les **17.00** da sera de en lunsec ai **22 de jané del 2024**, demò tras prozedura online sul sit <https://www.vivoscuola.it/meta>. L finanziament en dut per l projet l é de **€ 304.900,00** deldut corì con scioldi europeegn tel chèder del program Erasmus+ 2021-2027.

Destinatères de la scomenzadiva

L Avis l perveit na prozedura per troèr fora e selezionèr n. 90 beneficières per i percorsc de tirocinie a la foresta da meter a jir endèna l trat de temp istà-uton 2024. La scomenzadiva l é per:

Sort A) – 70 pos per studenc che fèsc tel an de scola 2023/2024 l IV an, de la scola trentina auta, tant publica che paritèra, e l III an di licees de cater egn trentins (e donca del Liceo de cater egn de la scienzes umanes Istitut Sacro Cuore de Trent, Liceo de cater egn Steam C.F.P. G.Veronesi de Rorei e Liceo scientifich de cater egn M.Martini de Mezlombart);

Sort B) – 20 pos per chi che se diplomea tel an de scola 2023/2024 del sistem trentin de la scola auta e chi che se diplomea tel sistem de istruzion e formazion profpcionèla, tant publica che paritèra.

Trat de temp del projet

I trasferimenc, per tirocinies, te aziendes/organisazions a la foresta (paijes de la Union europeèna), i arà na regnèda de 4 setemènes per i destinatères Sort A) studenc, che i pel vegnir recognosciui ence desche alternanza scola-lurier, e de 16 setemènes per i destinatères Sort B) diplomé.

Fèsc pèrt del percors ence i momenc che enjigna al trasferiment e la dì de assistenza tel moment de retorn a cèsa.

Olà

I lesc per i trasferimenc i vegnarà troé fora, a presciapech, te chisc paijes:

IRLANDA/MALTA – Lengaz de lurier ingleis

GERMANIA – lengac de lurier todesch e/o ingleis

SPAGNA – lengac de lurier spagnol e/o ingleis

BELGIO – lengac de lurier franzous e/o ingleis

Cos

L’Aministrazion provinzièla la cour deldut chesta speises:

- Formazion per se enjignèr al trasferiment;
- Viac per jir e vegnir (ferata, coriera o aereo);
- arsegurazion (risesc, azidenc e responsabilità zivila) per duta la regnèda del trasferiment a la foresta;
- endrez del program de tirocinie tel Païsc de destinazion;
- cost e cartier (te residenzes o families che dèsc alberch);
- trasporc locai a la foresta;
- atestazion de l’esperienza fata.

Informazions

L projet M.E.T.A. Mobilità Europeèna, Tirocinies e Aprendiment 1 é gestì dal Ofize Università e Fons europeègn – Servije formazion profescionèla, formazion terziaria e funzions de sistem del Partiment Istruzion e Cultura, Proviniza autonoma de Trent, col didament de la Strutura Multifunzionèla de Raion Ad-Personam

Mail: kalsmart@provincia.tn.it

Telefon: 800-163870 (Strutura Multifunzionèle de Raion Ad-Personam)

Sit internet: <https://www.vivoscuola.it/meta>

Traduzion di Servijes Linguistics e Culturèi del Comun general de Fascia

(cdt)